



Sakspapir

Saksbehandler	Arkiv	ArkivsakID
Linda Husa	FE - 630, FA - A20	18/342

Saksnr	Utvalg	Type	Dato
083/18	Formannskapet	PS	11.09.2018
	Kommunestyret	PS	

Utbetring av internett på Fedje skule Budsjettrevisjon

Saksutgreiing:

Bakgrunn

Fedje skule har over lengre tid slitt med kapasiteten på det trådlause nettverket på skulen. Skulen er sett opp med eit tilgangspunkt/endar i kvar etasje. Fedje skule har om lag 80 berbare pcar. Klasserom har projektorar montert i taket. 4 klasserom har smartboard. Elevane brukar dagleg pc i skulearbeidet til liks med lærarar og andre tilsette. Elevane har frå 7.klasse eigen pc. Resten har klassesett. I dag har skulen trådlaut nettverk. Kapasiteten til dette nettverket er ikkje stor nok då bruken har auka markant. Program og nettressursar krev i dag mykje større kapasitet enn tidligare bl.a. grunna bilde, film og interaktive program.

Meir og meir undervisning føregår på nettet, blant anna har skulen frå august 2018 teke i bruk kunnskap.no, som er digitale lærebøker. Det er difor avgjerande at det trådlause nettet fungerer tilfredsstillande for at undervisninga skal bli god.

Skulen har innhenta prisoverslag frå vår IKT-eining (IKT Nordhordland), og fått prisar på kabling av nye punkt. Me har fått eit overslag på oppgradering av nettverket på heile skulen (både «gamle»- og «nyeskulen») på ca. 180 – 200 000 kr pluss arbeidstimar frå kabelselskapet (Nettstar) og sjølve kablane.

Vurdering

Det er ved ein glipp ikkje sett av pengar i budsjettet til denne oppgraderinga i år, men rektor vurderer den som heilt naudsynt for å kunna ha ei oppdatert og moderne undervisning, og bruka dei mange digitale hjelpemiddel me no har til undervisninga.

Folkehelse: Ikkje aktuelt.

Miljø: Ikkje aktuelt.

Økonomi: Det er sett av kr 150 000 til nytt låsesystem på skulen på investeringsbudsjettet 2018. På grunn av mange andre større investeringsarbeid, og omplassering av teknisk sjef til rådmann for ein periode, ser det ikkje ut til at det vert høve til å gjere denne investeringa no. Rektor ønskjer difor å flytte midlane til oppgradering av nettverket på skulen.

Kr 150 000 vil ikkje rekka til å oppgradera heile skulen, men rektor si vurdering er at mellomtrinnet og ungdomstrinnet hastar mest. IKTNH har gjeve eit overslag på oppgradering berre av «gamleskulen» på om lag kr 120 000. I tillegg kjem innkjøp av sjølve kablane.

Konklusjon

Fedje kommune flyttar investeringsmidlane 2018 som var sett av til nytt låssystem på skulen,



Fedje kommune

kr 150 000, over til oppgradering av det trådlause nettverket på mellomtrinnet og ungdomstrinnet ved Fedje skule.

Forslag til vedtak:

Fedje kommune flyttar investeringsmidlane 2018 som var sett av til nytt låssystem på skulen, kr 150 000, over til oppgradering av det trådlause nettverket på mellomtrinnet og ungdomstrinnet ved Fedje skule.

Formannskapet - 083/18

F - behandling:

F - vedtak:

Fedje kommune flyttar investeringsmidlane 2018 som var sett av til nytt låssystem på skulen, kr 150 000, over til oppgradering av det trådlause nettverket på mellomtrinnet og ungdomstrinnet ved Fedje skule. Samrøystes vedteke.